

5  
ALEXANDRI  
ANDERSONI.

ΛΙΤΙΟΛΟΓΙΑ.

PRO ZETETICO APOLLONIA-  
*ni problematis a se iam pridem edito in sup-  
plemento Apollonij Rediuiui.*

Ad Clarissimum & ornatissimum virum MARINVM  
GHETALDVM Patritium Ragusinum.

In quâ

AD EA QUAE OBITER INIBI PER-  
strinxit GHETALDVS Respondetur, *Et* Ana-  
lytices vsus clarius detegitur.



PARISIIS,

Apud OLIVERIVM DE VARENNES  
via Iacobæa sub signo Lilij.

---

Anno, M. DC. XV.





# ALEXANDRI ANDERSONI.

ΑΙΤΙΟΛΟΓΙΑ.

AD CLARISSIMUM ET OR-  
*natissimum virum Marinum Ghetaldum*  
*patritium Ragusinum.*

**P**RISCI & eruditi sæculi viris, fœli-  
cem adeò ἡ λεκλὴν τῆς ἐπιγνώσεως χαλ-  
λῆς. largitus est naturæ genius, ut  
nobis opus & labor omnis sit, viam  
ab ijs vulgo tritam, quam acutissima  
mentis acie intentissimè peruestiga-  
re: & si quis hodie, quæ per tot sæculorum lapsus, su-  
persunt illorum monumenta, vel clarius interprete-  
tur, non exiguam meretur laudem: qui vero vetu-  
state vel penitus deleta, vel parte aliquâ mutila aut  
depravata, restituerit aut redintegrarit, iure vene-  
randæ illius stirpis quasi sacrum germen miramur,  
inter hos tu (vir clarissimè) quem in restituendis ma-

gni Apollonij inclinationibus, sacer hic afftauit genius, quas non multos ab hinc annos inchoatas, jam tandem feliciter absoluisti, & quoniam grauioribus pro republica vestra negotijs, prius impeditus, quod supererat operis, post editam priorem partem, iam apud te effectum, sed non prorsus, vel expolitum vel absolutum, otiosioribus interim tentandum reliquisti, ego analyticâ meâ methodo illud aggressus, ( illibatam tibi linquens tuam Syntheticam. ) omnium casuum Zetesim Inij, eoque munere perfunctus, rationem docui ex primo meo lemmate quâ quæsitum ex datis eruatur, idque eo fini, ( quod & inibi annotaui ) vt vel hoc exemplo discant studiosi, & sciant, vnam analyticen velut *ταμειν* esse, vnde leui, ac facili opera quicquid proponitur statim depromi ac sciri possit, id quidem vel hoc solum nomine à me præstitum gaudeo, quod & amorem erga me tuum conciliarit, & iudicij tui censuram subierit, etiam non sine notâ: illum quidem vt plenius vlnis amplector, & animo grato (à tanto quippe viro ) foueo, ita hâc exuere me quæso liceat donec coram vel te iudice causa dicatur, nam quum aliorum tum mea potissimum interest, vt artis huius ingeniosissimæ amplissimus vsus, & paratissima opera clarius patefeat.

Ac primum, quod planum per adscensum pro solidò supposuisse ais, vt ambiguum explicemus, aliud esse non potest planum per adscensum nisi vel solidum, vel aliquid in rationis scalâ pro gradus altitudine superius, quod enim vnus in alterum, vel  
seipsum

seipsum ductu, quoquò modò adscendit, vel alij applicatum, descendit in scala, transit de genere in genus. Proponatur B in A quadratum vel B quadratũ in A simpliciter, siue quocumque modo adfectum, adiunctione multãve homogeneorum subdatã longitudine in potestatem rationis duplæ, vel sub dato plano in latus, terminum scilicet rationis simplæ, æquari Z cubo: Geometræ certe insolens appellatio fuerit, solida hæc non esse sed plana aut longitudines per adscensum. at si suos adscribat epilogista datis magnitudinibus valores, & sit, B. 2. Z. 3. ita vt epilogisticã phrasi, 2. Q. vel 4. N. vel coniunctim, 2. Q. plus 4. N. equentur 27. concedatur quidem illi sua loquendi libertas, dicatque si liber, 4. N. Longitudinem esse per adscensum, 2. Q. planum esse per adscensum, multiplicationem scilicet, quæ nihil est aliud quam eiusdem quantitatis ad seipsam additio multipla pro ratione data, & proinde quod ex singularium collectione oritur, ipsis singulis quæ adduntur homogeneous est: at in continuis, quod sit ductu longitudinis in planum, vel plani in longitudinẽ, solidum dicet Geometra: sed quo vsus sum parabolismo ad plaua descendunt? e quidem: interdum etiam ad longitudines, nam B, quadratũ in A applicatum B quadrato, Z cubus applicatus B quadrato, longitudines sunt, & hic parabolismus parascæue ea est, quam ego ad exegeticem in Geometricis adhibui: nec ignoro (docente Pappo) locos solidos, & solida problemata veteribus dicta, quorum explicatio pendeat ex trium sectionum co-

nicarum alicuius præter circulum descriptione. At ego æquationes illas solidas dixi, quia earum termini sunt solida in notis ὁμοιομερῆς, ac proinde ad analysism accommodatiores quam, quum integris admiscerentur fractiones Geometricæ, & per expositum parabolismum fiunt Geometriæ legibus (vri docui) obnoxij. si quis pro solidis vri velit eorum parabolis, & ad plana vel etiam longitudines terminos primum exhibitos deprimeret, per me liceat, nullus tamen Geometra inde inferat B in A quadratum, B quadratum in A, vel Z solidum, inter quæ primò subsistit æquatio, solida non esse. Nullis igitur ego lusi præstigiis, sed quâ potui vſitatis singula nominibus enunciaui. quâm autem in hoc luto hæſitarint veteres analyſtæ, testentur ipſorum ſcripta; & Regiomontanus nobilis ſui ſæculi Mathematicus in libris de triangulis, quum alibi, tum prop. 12. li. 2. æquationem inter 16 Q -- 680 N & 2000. Geometricè examinare neſcire ſe profiteretur.

Illas verò huius gradus æquationes, in quibus magnitudo omnino data æquatur homogenæ prorsus ignotæ, ſive puras, ſive adfectas, vt prius ita & nunc (niſi conceſſis quibuſdam quæ Geometria hætenus negauit.) ad mechanicam geometricam μηχανικῆν reducere, ingenuè neſcirè me profiteor, quæ autem poſtulentur vt in huiusmodi æquationibus quaſſitum ſciatur, ex analyticâ hac noſtrâ methodo ſic clarum fiet.

Ponatur A cubus æqualis ſolido factò ex B quadrato in D, ſi inter B & D nineniantur duæ continuæ

proportionales, secundam a B esse ipsam A de qua quæritur, nemo est modo hanc artem vel à limine salutarit, qui nesciat.

Sit autem A cubus, plus B in A quadratum, æqualis solido dato, quod si cubus non est, eò tandem (vti iam dictum est) reuocetur, sitque D cubus, statim apparet huius æquationis mechanicem pendere, ex hoc problemate.

*Ex serie quatuor continuè proportionalium, datâ secundâ, & rectâ æquali differentia inter primam minorem et quartam, inuenire proportionales.*

Eritque harum prima ipsa A de qua quæritur, D secunda illi proxima, & B differentia inter primam & quartam.

At A cubus minus B in A quadratum æquetur D cubo, proponetur.

*Ex serie quatuor continuè proportionalium, datâ secundâ, et differentia inter primam minorem & quartam, inuenire proportionales.*

Eritque A prima maior, B differentia inter quartam minorem & primam maiorem, & D secunda.

Tertiò B in A quadratum minus A cubo, æquetur D cubo: proponetur.

*Ex serie quatuor continuè proportionalium, datâ secundâ, et aggregato primæ & quartæ, inuenire proportionales.*

Eritque harum prima A maior minoris, secunda D, aggregatum primæ & quartæ B. quæ ipsorum solidorum structuram consideranti clara sunt.

Quartò A cubus, plus B quadrato in A æquetur D cubo, ex hac æquatione statim quidem offeruntur è

quatuor continuè proportionalibus secunda D, tum B, media proportionalis inter primam & differentiam primæ & quartæ, siue rectangulum ex prima in differentiam primæ & quartæ; At ex facto (vt superius dictum est) parabolismo, coefficienti dato, nimirum ipsi B quadrato reliquis applicatis solidis, id est si fiat vt B quadratum ad D quadratum, ita D ad C. erit C æqualis ipsi A, & præterea altitudini ortæ ex applicatione ipsius A cubi, ad B quadratum, si igitur data C, ita diuidatur, vt cubus vnius segmenti, æqualis fiat solido quod fit sub altero, & dato B, quadrato, erit latus cubi magnitudo quæsitæ, hoc autem est.

*Ex serie quatuor continuè proportionalium, data prima et aggregato secunda et quartæ, inuenire proportionales.*  
Eritque harum, B prima, C aggregatum secundæ & quartæ, A vero secunda; Quinto sit A cubus minus B quadrato in A, æqualis D cubo, & hic offertur secunda data D, cum B media proportionali inter primam & differentiam primæ, & quartæ, at verò si D cubus ipsi B quadrato applicetur, hoc est, si fiat vt B quadratum ad D quadratum, ita D ad C, & eidem intelligatur applicari & A cubus, erit C æqualis parabolæ ortæ ex applicatione ipsius A cubi ad B quadratum, minus ipsa A longitudine, quare,

*Ex serie quatuor continuè proportionalium, data prima minore, & differentia secunda et quartæ inueniantur proportionales.*

Eritque data B prima minor, C differentia secundæ, & quartæ maioris, & A secunda quæsitæ.

Denique



Denique B quadratum in A minus A cubo, æquetur D cubo. Hic etiam statim offeruntur secunda D, tum, B, media proportionalis inter primam A, & aggregatū primæ & quartæ, applicetur autē D cubus ipsi B quadrato, quodque inde oritur sit C, & eidē intelligatur applicari & A cubus, erit altitudo C, æqualis ipsi A minus altitudine quæ oritur, si applicetur & A cubus, eidem B quadrato, vnde quæretur.

*Ex serie quatuor continuè proportionalium, data prima maiore, et differentia inter secundam et quartam inuenire proportionales.*

Eritque data B prima maior, C differentia secundæ maioris & quartæ, & A ipsa secunda de qua quæritur.

Atque hætenus peculiaris mihi methodus, in æquationibus cubicis, puris, siue vt libet adfectis; in quibus quum exactio Geometrica nondum sit exhibitæ, aut inuenta, quidni veteres illos Platonem Eratosthenem, Nicomedem, Archimedem, Heronem, Pappum aliosque, in similibus ad hoc negotium *imitari* interim liceat, si quid istis tu melius aut subtilius nouisti.

----- *Clara mea præpandas lumina menti*

*Res quibus occultas penitus conuiscere possim.*

Alterâ in libellum mentem notâ, ais:

Pro determinatione problematis in casibus omnibus difficilioribus determinationem post analysin me substituisse, vt arduam maximè & minimæ inuentionem euitarem, quamuis sine ipsa inuentione, problema determinari non possit.

Omnes hi casus difficiliores duo sunt, siquidem in triginta ferè hoc bis à me factum, paginis scilicet decima nona & vicesima quarta mei libelli, quos omnes pari facilitate statim obuios mihi dedit mea analytica, nam secundum conditiones singulis addictas instituta zetesi vltro se obtulerunt æquationes. sed instituti mei rationem cape: analytice studiosis isthic commendare volui, idque hoc exemplo, quod tu intactum alijs excolendum reliqueras: & hoc solum monui præfatione ad Matheseos studiosos: ac proinde Zeteticem tantum exercens, ordinato in singulis casibus analogisino, meo munere perfunctus mihi visum sum. neque enim mihi animus, tam inclinationes Apollonianas à te inchoatas supplere, quàm facilem hanc, in re Mathematica veritatis inquirendæ viam, studiosis præire, alioqui alia methodo maius opus moliendum, quod quidem Apollonius maximus & sagacissimus Geometra, nō nisi quadraginta quinque problematis absoluit, referente Pappo ad propositionem 95. lib. 7. collectionum mathematicarum. in ijs verò duobus casibus determinationes post analysin substitui, quia ex eorum *χρτασκευῖ* non offerebantur maxima & minima, quemadmodum in alijs, in quibus sola opus erat declaratione, esse lineas iam exhibitas, maximas, vel minimas: hic autem quærendæ, & ex firmata vi zetescos æquatione, eruendæ: neque enim æquationum solū geneses, sed & symptomata quoque omnia analystæ perito, ars nostra exhibet: singulæ enim æquationes suas sibi inclusas continent determinationes,



*Etum, & cauam semicirculi  $AEB$  peripheriam, alioqui dicta recta intercepti non potest, ut ex demonstratis patet.*

*Hinc omnibus ipsi  $AH$  applicatis.*

Fit hæc applicatio tribus datis rectis, inueniendo quartam proportionalem: fiat igitur primum, ut  $AH$  ad  $BH$ , ita  $EF$  ad aliam, quæ sit  $NF$ , eritque  $NF$ , latitudo orta ex applicatione  $BH$  in  $EF$ , fiat deinde ut  $AH$  ad  $AB$ , ita  $BD$ , ad aliam, quæ sit  $BL$ . estque hæc latitudo orta ex applicatione  $AB$  in  $BD$ . Iam ex primo meo lemmate erunt rectangula  $NBF$ ; &  $LMC$ , æqualia &  $\alpha\theta\lambda\psi$  quacunque alia sic interceptâ, sectæque pro ratione  $AH$  ad  $BH$ , ex eadem zetesi, rectangula sub segmentis ad  $B$  punctum, rectangulo  $LMC$ , æqualia erunt, si igitur inter  $LB$ ,  $BC$ , media inueniatur proportionalis,  $O$ , erit  $O$  quadratum, rectangulo  $NBF$ , æquale.

*Oportet latitudinem ortam ex applicatione  $BH$ , in  $EF$ .*

Latitudo orta ex applicatione  $BH$  in  $EF$ , est ipsa  $NF$ , at ea quæ oritur ex applicatione  $AB$  in  $BD$ , est  $BL$ , (ut ostensum est) rectangulum autem sub  $BL$ ,  $BC$ , constitutum est æquale quadrato ipsius  $O$ . aio rectam  $NF$ , non minorem esse debere, duplâ ipsius  $O$ : rectangula si quidem omnia, sub interceptarum segmentis ad  $B$  punctum, quum similiter sectæ sunt, pro ratione  $AH$  ad  $BH$ , & multatæ segmentis similibus ipsi  $AB$ , æqualia sunt sigillatim rectangulo  $LMC$ , id est quadrato  $O$ : minimæ verò coefficientes rectangulorum æqualium, sunt latera æquale quadratum comprehendentia, non potest igitur segmentum cuiusuis interceptæ ipsi  $NF$  simile, minus esse du-

duplo ipsius  $O$  rectæ. vnde sequitur, si fiat vt  $HB$  ad  $HA$  ita dupla ipsius  $O$  ad aliam, quæ sit  $P$ , esse  $P$ , interceptarum omnium minimam. vt post clarius ostendetur.

*Tum altera extremarum, diuisa nempe priori latitudine.*

Prior latitudo erat ipsa  $NF$ , quæ ita secanda est ex prædemonstratis, vt recta  $O$ , potens rectangulum  $LB$   $BC$ , inter eius partes media sit proportionalis, sint hæ partes  $NB$ ,  $BF$ , altera extremarum (si nimirum recta interceptiunda, ipsis datis  $CA$ , aut tangenti cōtinnatæ non congruat, quod si congruit factū quod iubetur) maiore quidem quam  $BC$ , at minore quā est tangens à puncto  $B$ , inter  $B$ , & punctum contingentia in circumferentia  $CKD$ , (est namque horum segmentorum tangens maximū,  $BC$  minimū) sublatā ex recta data interceptiunda, reliquum segmentum (rectæ scilicet interceptiundæ) minus esse debet recta  $AB$ , (alioqui in circulo  $AEB$  intercepti non posset, siquidem  $AB$  maxima est interceptarum in semicirculo  $AEB$ ) at maius segmento dictæ tangētis inter  $B$  punctum, & cauam semicirculi  $AEB$  peripheriam: rectæ enim inter punctum  $B$ , & cauam semicirculi  $AEB$  peripheriam interceptæ, quō ipsi  $AB$  propiores eo maiores remotissima vero ab ipsa  $AB$ , quæ inter datos semicirculos intercepti possit, est ipsa tangens continuata, quare reliquum datæ segmentum, dicto tangētis segmento, minus esse non potest.

Iam diducto velo, & zetescos involucris explicita determinatione, quid pronūciās: determinasse ne

me hunc casum? Equidem apertè satis zetescos vim intelligenti, quædum ad certam nos adstringit factionem, ipsum problema determinat, demonstratque possibile & impossibile, Imo exhibet ipsam minimam, quâ datâ, statim se prodit maxima, ab ea quippe vtravis remotissima, quod ut ostendamus ~~metu~~ agere liceat, & symptomata acuratiùs considerare.

Est primum  $O$  recta semper minor rectâ à puncto  $B$  circulum  $CFD$  tangente, quoniam  $BL$ , minor est ipsa  $BD$ , ex constructione, & propterea rectangulum  $BDC$ , id est quadratum tangentis, maius rectangulo  $LMC$ , id est quadrato ipsius  $O$ , sit autem  $BL$  maior ipsa  $BC$ , & erit quoque  $O$  eadem maior, potest ergo inter punctum  $B$ , & circumferentiam  $CFD$ , intercipi recta ipsi  $O$  æqualis: sit ea verbi gratia ipsa  $FB$ , quæ producaturs donec circumferentiam  $AEB$ , secet in  $E$ , & fiat ut  $AH$  ad  $BH$ , ita  $EF$  ad  $NF$ , erit igitur (ut demonstratum est.)  $FBN$  rectangulum, quadrato  $O$ , id est  $FB$ , æquale, rectæ igitur  $FB$ ,  $BN$  æquales erunt. Intercipiatur iam quævis alia, ut  $QR$ , & fiat ut  $AH$  ad  $BH$ , ita  $QR$  ad  $SQ$ : erit igitur  $QB$  vel maior ipsâ  $FB$ , si nimirum inter  $FB$  & tangentem cadat vel minor, si inter  $FB$ , &  $BC$ . sit primum  $BQ$  maior quam  $BF$ : sunt ex habita hæcenus zetesi, rectangula  $NBF$  id est quadratum  $BF$ , &  $SBQ$ , æqualia, quoniam igitur triū proportionaliū  $BQ$ ,  $BF$ ,  $BS$ ,  $BQ$  maior est media  $BF$ , erit sūma extremarū  $QS$ , maior mediæ dupla, id est ipsa  $FN$ , est autem ex constructione  $QS$  ad  $SR$ , ut  $FN$

ad NE, & permutando QS ad FN, vt SR ad NE, atqui QS ostensa est maior ipsa FN, ergo & SR ipsa NE, & tota QR tota FE maior erit: eodẽque modo si interponatur CB minor ipsa CF, & fiat vt AH ad BH ita AC ad MC, ostendetur composita ex extremis MC, maior medix dupla, id est ipsa NF, totaque CA, tota FE maior.

Sit iam BL, ac proinde & O non maior ipsa BC: vel igitur æqualis, vel minor, si fuerit BL æqualis ipsi BC, erit O eidem æqualis, & tum ostendetur modo quò supra, ipsa CA minima. sin minor, tum posita O recta media, erit BC maior extremarum, & BL minor, ac proinde quoque in reliquis rectangulis æqualibus, qualia sunt QBF, FBN, erunt BF, BQ maiores extremæ, & quoniam ex quatuor proportionalibus CBM, QBS, maxima est QB, erit minima BS, totaque QS, tota CM maior erit, (ex 25. 5. Euclid.) eodemque modo ostendetur & QR maior quam CA vel FE, atque adeo à minore semper remotiorem, propinquiorem maiorem esse, & si quidem CA fuerit minima, erit tangens a puncto B maxima at FE existente minima, erunt interceptarum segmenta omnia à puncto B versus tangentem continuo maiores, ac proinde & ipsa tangens omnium maxima, cique coëfficiens reliquarum coëfficientium minima: composita verò ex tangente & sibi coëfficiente, maxima ab illa parte, ac proinde tangens continuata, interceptarum ab hac parte maxima. at verò posita eadem O media equali ipsi BF erunt interceptarum segmenta a B puncto versus BC



continuo minores extremæ, ac proinde  $BC$  minima, quare & ei coëfficiēs adeoque & composita ex iisdem maior quam composita ex alijs coëfficiētibus ad hanc mediæ partes, totaque  $CA$  maxima erit. hinc etiā sequitur si proportionales fuerint  $BC$ ,  $BF$ ,  $BQ$  æquales esse  $QR$ ,  $CA$ , rectangula quippe  $CBM$ ,  $QBS$ , æqualia, sub æqualibus erunt lateribus, atque adeo proportionalibus existentibus  $CB$ ,  $BF$  & tangente à puncto  $B$ , erit utraque  $CA$ , & tangens (ut dictum est) continuata, maxima. at  $BC$  maiore existente tertia proportionali ipsis, tangenti à puncto  $B$ , &  $BF$  rectis, erit dicta tangens maxima, quippe tertia ei proportionali minima existente, ac proinde & ipsa tangente maxima. at eadem  $BC$  minore existente eadem tertia proportionali, erit  $CA$  interceptarum maxima, quippe  $BC$ , proportionalium minimâ ac propterea eius coëfficiente maximâ.

Ex prædemonstratis patet, quomodo duob<sup>9</sup> oblatis huiusmodi semi circulis, facile sit maximû & minimû determinare, facili ab analysi ad synthesin regressu: adeoque  $\xi\eta\gamma\alpha\theta\iota$  & Geometram se præbere analysi: nam postquam  $\alpha\theta\iota$  ad demonstrationem suam firmandam demonstrarit & sumpsit, (quæadmodum a nobis præmissum est) rectangula omnia  $QBS$ ,  $FBM$ ,  $CMA$  quadrato  $O$  siue rectangulo  $LBC$  esse æqualia, sic statim minimam concludet: si quidem  $BL$  non minor fuerit ipsa  $BC$ , erit  $AC$  omnium minima, ac proinde ab ea remotissima, ipsa scilicet tangens maxima, ut ostensum à nobis est, et  $BL$  maiore existente ipsa  $BC$ , fiat rectangulo  $LBC$ ,  
æquale



æquale quadratum O, quæ quidem O, semper minor est tangente à B puncto, ut demonstratum est. & in hoc casu maior ipsa BC, fiatque ut HB ad HA ita O dupla ad P. dico P esse minimam interceptarum. intercipi enim posse sic ostenditur, fiat BF ipsi O æqualis, & producatnr donec fecer circumferentiam AEB, in E, & fiat ut AH ad BH, ita EF ad NF, & erit ex demonstratis NBF rectangulum, æquale quadrato ipsius BF, ergo rectæ NB, BF æquales, est autem NF ad FE, ex constructione ut HB ad HA, atqui ut HB ad HA ita NF siue O dupla ad P, sunt igitur FE & P rectæ, æquales: intercepta itaque est FE recta ipsi P æqualis. esse autem minimam, demonstrabitur ut supra: ite utrum data AC, an ipsa tangens per B punctum continuata, maxima sit, an utraque, ut iam ostensum est. Itemque si offeratur alia, maximam interceptarum minor, minore maior, problemati hoc modo satisfiet. sit ea TX recta, & fiat ut AB ad BH, ita TV ad VX, deinde fiat rectangulo LBC, siue O quadrato æquale rectangulum XZV, & quoniam recta TX maior est minima, erit altera extremarum VZ vel ZX maior ipsa O, altera minor, deinde quoniam est minor maxima, quum similiter secabitur maxima, ut secata est TX, in V, & reliquum eius segmentum secabitur in partes continentes rectangulum ipsi VZX rectangulo, æquale, erit vel illius maius segmentum, illius maiore, maius, ut quum maxima est tangens à puncto B, potest igitur inter minimæ interceptæ segmentum à puncto B in semicirculum C.

KD, & eundem circulum tangentem ab eodem pūcto, intercipi recta eidem maiori segmento rectæ intercipiendæ æqualis, intercipiatur, & producat in circumferentiam circuli A E R B, qualis recta Q B R & ostendetur recta Q B R ipsi T X. æqualis, eodem modo quo iam ostensum est rectam F E, esse minimam. vel erit minus segmentum rectæ V X minus quidem recta O, at maius minore segmento maximæ, & tunc si A C maxima fuerit, poterit dictum minus segmentum rectæ V X, intercipi inter rectas B F, B C, intercipiatur producatque in circumferentiam A E R B, & ostendetur eodem quo prius modo, recta sic intercepta ipsi P X æqualis: intercepta itaque est recta data, quod erat faciendum.

### CONSECTARIUM.

**H**Inc sequitur si huiusmodi recta quæ intercipi possit fuerit minor utraque ipsarum A C, & tangente circumferentiam C K D à B puncto, posse duobus modis eam intercipi, .priori si maius extremum intercipiatur inter tangentem & B F, altero si minus extremum intercipiatur inter B F & B C, est igitur hic casus *duobus*, quod animadvertisse fuerit opere pretium.

Eadem methodo ostēdemus & determinationem quam paginis vicesima tertiâ, & vicesima quarta, mei libelli ego adhibui, pro instituta mihi zetesi sufficientem esse & legitimam, atque adeo vel leni adhibito examine, Geometricè maximum & minimum in li-

neis, inde definiri posse, quemadmodum iam à nobis in hoc superiori casu præstitum est. sed ne nobilissimæ huius scientiæ studiosis vlllo modo desimus age experiamur, & repetatur figura paginæ vicesimæ tertiæ, sintque semicirculi quales illic requiruntur A F E, B G D, & fiant æquales A C, D E, adeoque & reliqua construantur prout illic præscriptum est.



Analogismus ordinatus ex illic firmata zetesi fuit, differentiam rectangulorum I H vel F G in compositam ex B D, B C, & B D in I B, esse ad rectangulum A B in B E vt recta B C ad rectam I B: vnde determinationem eliciuimus vt sequitur.

Hinc ipsi B D applicatis rectangulis G F in compositam ex B D, B C, & A B in B E, oportet latitudinem priorem, non minorem esse dupla recta qua potest rectangulum ex latitudine posteriore, in rectam B C, tum altera extremarum non minore ipsa A B, nec maiore mediâ proportionali inter A B, B E, sublata ex recta data, reliquum segmentum ipsa B C maius esse non debet, alioqui recta data interponi non potest, vt ex demonstraris liquet.

*Hinc ipsi B D applicatis rectangulis.*

Fiat applicatio vt supra, tribus scilicet datis inueniendo quartam proportionalem, & sit primum vt B D ad compositam ex B D, B C ita I H vel G F, ad aliam, quæ sit æqualis compositæ ex I H, I K, eritq; ea latitudo ex prima applicatione. sit secundo vt B D ad B E, ita A B ad aliam quæ sit A L, tum inter A L & B C media sit proportionalis O. ex primo nostro lemmate erit rectangulum sub L B & composita ex I K, B H, æquale rectangulo sub A L, B C, siue quadrato ipsius O. atque ita  $\chi\alpha\beta\gamma\lambda\delta$  de quibuscumq; alijs interceptis, similiterque auctis, id est, si fuerit tota intercepta ad adiectam ipsi I K similem, vt B D ad B C. ( nam quoniam est vt B D ad compositam ex B D, B C ita I H ad compositam ex I H & I K, erit & diuidendo vt B D ad B C ita I H ad I K. ) erunt rectangula sub similibus segmentis, ipsi O quadrato, vel rectangulo sub A L, B C æqualia: segmentaque inter B punctum & circumferentiam A I R erunt extrema proportionalium, seu alterum latus rectangulorum æqualium.

*Oportet latitudinem priorem.*

Latitudo prior erat composita ex I H, I K, latitudo posterior A L, rectangulum verò sub A L, B C, positum est æquale quadrato O, & quoniam O quadratum semper est æquale rectangulo sub I B & composita ex I K, B H, ( vt ex zetesi constat. ) non potest recta K H minor esse dupla ipsius O. hinc sequitur ipsius O duplam multatam segmento simili ipsi I K, id est si diuidatur ipsius O dupla, pro ratione B C ad B D partem ipsi B D similem esse omnium interceptarum minimam. data

autem

autem minima, maxima erit quæ ab ea fuerit remotissima in utramvis partem, ut post ostendetur.

*Tum altera extremarum.*

Quoniam enim recta inter B punctum & circumferentiam A I R, est semper altera coefficientium, non potest ea aut minor esse recta A B, aut maior recta tangente Q B vel B R hoc autem segmento sublato ex recta intercipienda, eius reliqua pars debet inscribi circulo B H C, quare recta B C maior esse non potest, alioqui dictam rectam inscribi impossibile est. atque ita à me determinatum est problema: & ex facto parabolismo statim prodit minima, a quâ remotior ab utraque parte semper propinquiore maior est, & remotissima maxima. hoc ut minutius & per partes ostendamus, longiore opus est examine, quod tamen inire non grauabor.

Quoniam igitur est ut B D ad B E, ita A B ad A L, erit rectangulum sub B D, A L rectangulo sub B E, A B id est quadrato rectæ tangentis circulum B G D in B puncto, & in circumferentia A F E terminatæ æquale, sit ea tangens Q B vel B R. Iam si B C, B D æquales fuerint, erit recta O dictæ tangenti æqualis, quâ ultimam statuimus interceptarum inter dictas circumferentias & ad B punctum pertinentium versus A partes. (alia si quidem fractione Geometrica non indigent) si non sunt æquales sit B C minor quam B D, eritque quadratum O, quadrato dictæ tangentis minus, aut igitur B C ipsa A B minor, aut non minor erit: sit primum non minor, & vel maior vel æqualis: quoniam igitur B C ponitur non minor

ipsa  $AB$ , &  $A$  Lex constructione eadem  $AB$  maior, erit rectangulum sub  $AL$ ,  $BC$  id est  $O$  quadratum, quadrato  $AB$  maius, & proinde recta  $O$  maior ipsa  $AB$ , atqui  $BC$  posita est minor recta  $BD$ , ergo ex demonstratis erit idē  $O$  quadratū,  $BQ$  quadrato minus, & recta  $O$ , recta  $BQ$ , siue  $BR$  minor: inter puncta igitur  $A, R$ , interponatur recta  $BI$ , ipsi  $O$  æqualis producatuq;  $I$  in  $F$ , secās circulos  $BHC, BGD$  in punctis  $H, G$ , & circulū  $AQF$  in punctis  $I, F$ , dico rectā,  $GF$  (cui æqualis est  $IH$ , vt a nobis in huius casus Zetetico ostensum est.) esse minimam omnium quæ dictis circumferentiis  $BGD, QFE$ , intercipi, & ad punctum  $B$  pertinere possunt. fiat enim vt  $BD$  ad  $BC$ , ita  $HI$  ad  $IK$ , sitque alia quæuis interposita vt  $DE$  vel  $AC$ , & fiat vt  $BD$  ad  $BC$ , ita  $CA$  ad  $AS$ , & quoniam tota  $CS$  tota  $kH$  maior est, (est enim  $BA$  minor extremarum, & composita ex  $SA, BC$  maior, &  $BI$  media, cuius duplæ æqualis est  $KH$  vt ostensum est.) & tota  $CS$  ad partem  $SA$ , vt  $HK$  ad  $KI$ , & permutando  $CS$  ad  $HK$ , vt  $SA$  ad  $ki$ , est autem  $CS$  ipsa  $Hk$  maior, ergo &  $SA$  ipsa  $ki$  maior erit. sed est  $SA$  ad  $AC$ , vt  $ki$  ad  $IH$ , &  $SA$  ad  $KI$  vt  $AC$  ad  $IH$ , at  $SA$  ipsa  $ki$  maior, ergo &  $A$  C ipsa  $IH$  maior erit. atque ita de quibusuis alijs sic interceptis ostendetur semper recta  $GF$  minor, adeoque omnium minima. ab eaque remotiorem, propinquiore maiorem, vt in superiori demonstratione processum est. & si quidem  $BR, BI, BA$ , proportionales fuerint, vtramq;  $DE, QB$ , æquales & maximas esse: sin autem ipsis  $BR, BI$ , tertia proportionalis, maior fuerit ipsa  $BA$ ,

erit DE maxima, si minor, erit maxima BQ, eadem prorsus methodo quâ in superiori determinatione vsumus.

Sit iam B C minor ipsa A B, aut igitur in hoc casu O recta ipsa A B maior erit, aut non maior, si maior, dabitur minima vt supra, si non maior aut igitur æqualis aut minor: & in vtroque casu DE; interceptarum omnium erit minima, Nam quum æqualis fuerit ostendetur eodem prorsus modo, quo supra rectam A C vel D E, esse omnium minimam, si minor fuerit, erit B A maior extremarum, composita vero ex S A, B C, minor & proinde reliquæ vt B I, B R extremæ maiores, eruntque in hoc casu quouque I H, B R, &c. maiores ipsa C A, maximaque & remotissima B R. at B C existente ipsi B D æquali erit B Q omnium minima, ac proinde & D E maxima, Quod si contingat B C maiorem esse quam B D, id est si oblatis semicirculis A F E, B H C, sumantur C E, A D, æquales & iubéatur interponi recta quæuis qualis est H F, erit in hoc casu, vt differentia rectangulorū I G vel H F, in compositam ex B D, B C, & B C, in B I. ad A B, in B E, ita B D ad B L, hoc autem obiter ostendamus.

Ex rectangulo enim sub cōpōsita ex B D, B C, in I G, si auferatur rectangulum B C in B I, reliqua erunt rectangula B D in I G, & B C in B C, est autem B C in B G æquale ipsi B D in B H, (est namque B D ad B G, vt B C ad B H) & est I G æqualis ipsi H F, (sumptæ sunt enim A D, C E æquales.) erunt itaque B D in I G & B C in B G, hoc est B D in B H æqualia ipsi B D in B F,



est autem  $BD$  in  $BF$ , ad  $AB$  in  $BE$ , hoc est  $BF$  in  $B$  ut  $BD$ , ad  $BI$ , ergo differentia rectangulorum  $IG$  vel  $HF$  in compositam ex  $BD$ ,  $BC$ , &  $BC$ , in  $BI$  est ad  $AB$  in  $BE$ , ut  $BD$  ad  $BI$ , quod erat demonstrandum.

Applicentur omnia ipsi  $BC$ , id est fiat ut  $BC$  ad compositam ex  $BD$ ,  $BC$  ita  $HF$  vel  $IG$  ad aliam, qua sit  $IM$ , deinde ut  $BC$  ad  $BE$ , ita  $AB$  ad aliam nempe  $AL$  & rectangulo sub  $AL$  in  $BD$ , æquale fiat quadratum  $O$ . tum ita diuidatur prior latitudo  $IM$ , ut inter eius partes, media sit proportionalis  $O$ , erit ex sepius citato lemmate nostro, altera extremarum æqualis segmento rectæ interceptiendæ a puncto  $B$  in circumferentiam.  $AIR$ . atque hinc facile determinabitur maxima & minima: quoniam enim rectangulum sub  $BC$ ,  $AL$ , rectangulo sub  $BE$ ,  $AB$ , hoc est quadrato  $QB$  est æquale, rectangulum vero  $AL$  in  $BD$ , ipsi  $O$  quadrato, & ponitur  $BC$  (in hoc casu) minor ipsa  $BD$ , erit  $QB$  quadratum ipsius  $O$  quadrato minus, & propterea  $QB$  ipsa  $O$  minor. est autem ut composita ex  $BD$ ,  $BC$  ad  $BC$ , ita  $IM$  ad  $IG$  ex constructione, erit & diuidendo, ut  $BD$  ad  $BC$ , ita  $GM$  ad  $GI$ , sit iam ipsi  $O$  quadrato æquale rectangulum  $ABN$ , erit igitur (etiam firmata zetesi:) ut composita ex  $BD$ ,  $BC$ , ad  $BC$ , ita  $AN$  ad  $AD$ , & propterea ut  $BD$  ad  $BC$ , ita  $DN$  ad  $AD$ : erat autem ut  $BD$  ad  $BC$ , ita  $GM$  ad  $IG$ , ergo ut  $GM$  ad  $IG$ , ita  $DN$  ad  $AD$  & componendo, tota  $LM$  ad  $IG$ , ut  $AN$  ad  $AD$ : & permutando,  $IM$  ad  $AN$  ut  $IG$  ad  $AD$  est autem  $IM$  minor ipsa  $AN$ , (quatuor si quidem



dem proportionalium  $AB, IB, BM, BN$ , est  $AB$ , minima, & proinde  $BN$  maxima, ac propterea composita ex  $AB, BN$  maior composita ex  $IB, BM$ , ergo &  $IG$  vel  $HF$  ipsa  $AD$ , hoc est  $CE$  minor erit. atque ita ostendetur  $AD$ , siue  $CE$  quâvis aliâ sic interposita maior, adeoque interceptarum omnium in eo casu maxima, &  $QB$  minima.

Quæ symptomata licet supra exposita methodo accurate inuestigare. Ego ne actum agere videar  $\epsilon\zeta\eta\gamma\eta\tau\eta$  hic amplius non ago, illud superiori exemplo præstiti in studioforum bonum, ut vel huius exempli facilitate capti, Analyticem pro omni  $\tau\epsilon\tau\omega\ \acute{\alpha}\nu\alpha\lambda\upsilon\sigma\iota\mu\epsilon\tau\alpha$ , ad quodvis propositum siue examinandum, siue inuestigandum amplectantur.

Atque hinc videre est, quicquid difficile aut arduum in hac determinatione, analytica nostra methodo facile superari, & viam in hac arte vel mediocriter exercitato, satis peruiâ. ego vero  $\text{Ζητητῆς}$  prius solum egi non  $\epsilon\zeta\eta\gamma\eta\tau\eta$ : & casus illos  $\text{Ζητητηκῶς}$  determinavi, quam autem facilis sit à zetesi ad exegetism  $\text{περιηκῶς}$  regressus, discant vel hinc qui volent. At ego alios casus aliter determinavi? fateor: poteram & quidem meo iure, solius æquationis restrictione contentus, (quemadmodum isthic factum est) illas determinationes missas facere: at quoniam vel sola inspectione obuiæ, (data quippe ex ipso  $\sigma\chi\eta\mu\alpha\tau\iota\sigma\mu\omega$  maxima vel minima sola opus habebat declaratione quam ego illic adhibui, absque vlllo æquationis ad exegetism examine.) hæc non ita, sed diffusiore  $\text{περισμῶ}$  querenda & inuenienda minima, ut iam

ostensum est, (quod quidem instituti mei non erat.) illas inferere, has omittere placuit. non igitur operis difficultatem (perexigua siquidem ea est.) aut arduam inuentionem diffugiens, sed instituti mei rationem sequutus, casus illos hoc modo, possibili & impossibili demonstrato, exhibitaque implicite minima, [quam explicare ad me tunc non attinebat] determinavi.

*Hæc quidem tecum liberius, (vir mihi multum colende) et quia in re mathematica iure tuo ac merito primas hodie obtinuisti, libentius: quin et comitas illa tua, quam profuse adeo expertus est conciuis (E) familiaris meus Georgius Strachanus, quem hospitem apud te humanissime excepisti, quod suis ad me literis certum fecit, tum amor erga me tuus quem publice testari non dedignaris, liberio rem me reddere, certa que spe mihi pectus firmarunt, quicquid spectat ad studiorum communionem tibi acceptum fore & gratum: quam si foues et me amare pergis.*

*Sublimi feriam sydera vertice.*

Lutetiae Parisiorum Fride ID. Octob. Anno 1615.